

randum proponam: miram fuisse antiquorum in nauibus ædificandis, instruendis, armãdis celeritatem. Primo Punico bello classem Duellij imperatoris ab arbore excisa, LV die nauigasse: ducentas & uiginti naues effectas diebus XLV contra Hieronẽ regem. Secundo Punico bello Scipionis naues, eo instante operi, die XLV quàm ex syluis detracta materia fuerat: instructas armatasq; in aquam deductas. Quid si ex Polybio addidero, Romanos contra Carthaginenses septingentas quinqueremes amisisse: Carthaginenses eodem bello ad quingentas? Quis id credat? Nec mirum si hæc fidem non habebunt apud homines nostros, qui & Venetorũ quinqueremem unam admirantur, & tuam totidem ordinũ, quæ illam symmetria superabit, gratulabũdi expectant. Verum de tuæ maiestatis fide, qui omnem antiquitatem memoria tenes, non magis laboro, quàm de impetranda à clementissimo principe uenia sum sollicitus, si nos in tot reficiendis instaurandisq; nauibus alicubi lapsi fuerimus: qui etiam tuæ maiestatis potius, quàm dioscuroscorum turbulentissima fortunæ tempestate in alto iactati, fidem & auxilium implorare debeamus.

Vincat tua maiestas ac ualeat.

Lutetiæ Parisiorum VIII cal. Septemb.

M D XXXVI.